

CAR. DRELINCURTII,
Christianissimi Regis Consi-
liarii & Medici,
Nec - non in Illustri

807103

Lugduno-Batavorum Academia
Professoris Practici & Anatomici,
atque P. t. Decani,

APOLOGIA MEDICA,
Quâ vetus illa depellitur calumnia,
MEDICOS SEXCENTIS ANNIS
ROMA EXULASSE.



LUGDUNI BATAVORUM,
Apud CORNELIVM DRIEHSVIVM,
Annoclocc Lxxi.

Εὐλαβῶ τὰς Διαβολὰς , καὶ
ψευδεῖς ὧσιν, οἱ γὰρ πολλοὶ τὴν μὲν
ἀλήθειαν ἀγνοοῦσι, πρὸς ᾧ ἢ δοξαῖ
ἀποβλέπουσι.

*Cave Tibi à calumniis, et si fal-
sæ sunt, plerique enim veritatem
ignorant, opinionem autem respi-
ciunt.*

Illustribus, Nobilissimis, Amplissimisque

V I R I S,

Academiæ Lugduno-Batavæ

CURATORIBUS,

D. FREDERICO VAN DORP,
Mosædami Domino, &c. Equestris
in Hollandiâ Ordinis Assessori, Rhe-
nolandiaë Præposito, & Aggerum
Præfecto, ad Serenissimos Poloniaë
& Sueciæ Reges Exlegato;

D. JOHANNI VAN THIILT, J. C.
Civitatis Harlemensis Consuli, Su-
premæ Aggerum Rhenolandiaë Præ-
fecturæ Assessori;

D. CORNELIO DE WITH,
Ruardo, & Supremo Aggerum Ter-
ritorii Puttenfis Præfecto, Balivo
Beyerlandiaë, Civitatis Dordrechtæ
Viro Consulari, inque Præpo-
tentum Hollandiaë & West-Frisiæ
Ordinum Consessu Assessori Ordini-
nario;

EORUMQUE COLLEGIS

Amplissimis, Honoratissimisque

VIRIS,

Reip. Leydenfis *Coss.*

D. JOHANNI MEËRMAN,
J. C. Ad Serenissimum Britan-
niæ Regem Exlegato;

D. PAULO SWANENBURG,
J. C.

D. JACOB O MAES,

D. DANIELI VAN ALPHEN,
DAN. F.

NEC-NON

Clarissimo, Consultissimoque

VIRO,

D. PETRO BURGERSDICIO,
J. C. Reip. Leydenfis Syndico, &
Nobiliss. DD. Curatoribus à Se-
cretis,

CA-

CAROLUS DRELINCURTIUS,

S. P. D.

Obligatus Nobilissimis & Amplissimis Nominibus Vestris vario beneficiorum genere, quidpiam quo gratum meum erga vos animum testarer, libandi voluntatem jam olim suscepi. At replicanti mihi, quodnam donarium ad vestrum Tholum appenderem, veritus sum,

A 3 atque

atque etiam nunc id ipsum vereor, ne levidensæ munus, (*quo potius, me penes, nullum est,*) Talibus tantiq; faciendis, cùm ILLVSTRIBVS tum HONORATISSIMIS NOMINIBVS VESTRIS indignum foret. Consultius itaque duxi muneris exortem memet continere.

Sed Professorio Munere novo mihi delato, Vestra mihi beneficia conduplicastis, quæ me conscium usque premunt, ut ingrati animi vitium effugere non
potis

potis sim , si manibus vacuis , ad Vos , VIRI undique M V N I F I C I simul & MAGNIFICI, accedere pergam.

Dum sic mecum luctor, en mihi occasio insperata quidem , sed commoda & idonea sese dat ultrò , quã, ne calva sit, arripio , VESTRISQUE NOMINIBVS MAGNIS atque PRÆCLARIS, hoc quicquid est opellæ, eâ nuncupo fiducia, æquitatis Vos patrocinium suscepturos ; ac proin, me,

universumque mecum Apollinarem Chorum, cujus jura tueor, firmissimo præsidio defensores.

Illud profectò si præstiteritis, uti Vos id præstituros planè confido, veritas illa de Medicis Italiâ nunquam profugis, quam Cimmeriis è tenebris in lucem protraxi, nemini deinceps latebit; sed suo fulgore cæcatas priùs erroribus menteis dum collustrabit, Medicorum sycophantas pudore suffundet.

Tan-

Tantum porrò de Medicis Italiâ pulsîs ludibriû, etsi falsissimum non foret, nullâ tamen ignominia Medicos singulatim deformaret, cûm Romanorum Fasti, aliûs omnis hominum fortis sæpe injusta & erubescenda exilia crepent. Medicos tamen decet, istud propellere convitium. Utinam ego, qui totus in publica commoda incubui, VOBIS, VIRI GRAVES & ÆQVISSIMI, qui in nos JVDICES sedetis, illius

A 5

videar

videar haud instrenuus
propulsator.

Verbo finiam, postquam
Vobis, VIRI haud minùs
BONI quàm POTENTES,
vovenda vovero ; *ævum*
longum & salubre, inque
dies singulos honoribus at-
que divitiis auctius ; *Fami-*
liarum incolumitatem, pe-
rennitatem, beatitudinem;
ACADEMIÆ (*cujus estis usque*
vigiles atque prudentes REC-
TORES, ut illius FORMÆ vel
ASSISTENTES vel INFOR-
MANTES, æquiùs quàm MO-
DE-

DERATORES & GVBERNATORES *audiatis*) decus in omnem hominum ætatem grandius atque grandius ;

Reip. fundamentum PIETATE perpetuò stabile; *Iustitiæ* potentiam & sanctitatem auctiores ; *Civium* irruptam copulam , mutuis officiis conglutinatam ; *commercii* successus felices & faustos ; *Rerum* denique *omnium* exitus secundos atque fortunatos , sed quos DEUS ipse fecundet atque fortunet.

ΤΟΙΣ ΦΙΛΙΑΤΡΟΙΣ

ὁ βιβλιοπώλης χαίρειν.



Quandoquidem meum ad publica commoda ingenium verto , & frequentium amicorum relatu, Clariss. Professoris Drelincurtii, *quam animitus Tibi offero* orationem acceptam fuisse , mihi perspectum est , illam evulgare avidiùs expetivi.

Id autem , eò ardentius ambivi, quòd plurimum fide testatum mihi sit, veterrimam revera illam esse, quam ille à Medicis amolitur calumniam; sed nihilosecius acrem atque vigentem ; utpote quam alii adorti sunt quidem, at nusquam protriverunt & conculcarunt, uti hic Noster illam obtrivit atque contudit.

Ne autem , improvidum Te , quò venalities merces meas commendem, ludi-

ludificatum conqueraris , en Tibi lubens , Martios campos , ubi alii cum tantæ in Medicos jactatæ calumniæ Propugnatoribus conflixerunt ; sum detecturus. Illis enim lustratis , vel tuos in oculos istud involabit , quàm ignavè & quàm levi brachio suos illi hostes perstrinxerint.

Ne autem fusior sim , abundè erit , erectum in illos digitum intendisse , locis enim exploratis , non *mihi* sed *veritati* credes.

En imprimis Hispani Bætici recordiam atque supinitatem notabis. Is quidem hujus calumniæ comprimendæ causâ , hanc ipsam disceptationem , operum suorum capiti præfixit ; at Medicorum res , dum calumniis extrahere fatagit , in illos certè non nisi probra jactat. Consultius fuisset , tantas Medicorum Parteis nequaquam tueri , quàm illas , vel sordiditer prodere , probris increpando ; vel forti & invictâ defensione non tutari.

Cau-

Cautior quidem est *Langius*, sibi quæ cavet, ne labem unam Medicorum corpori malignè aspersam, dum eluit, aliam in ipsos inferat : sed perperam admittit, Medicorum exilium, (*quod authori meo, non nisi opinabile atque fictitium est,*) à Catonis ævo, ad Claudii Cæsaris tempora manasse : uti itidem prior ille, quem Hispanum notavi, falsò concedit, fuisse Medicos Romæ quidem exactos, sed priorum Cæsarum ætate, Romam revocatos. Quantum enim uterque aberrent à *Ferâ*, vel ex hocce meo, in Medicorum conviciatores *sagittario*, luculenter patebit.

Demum, illius injuriæ in Medicos immissæ, assertorem atque vindicem *Vallesius* se præbuit. Verum, tanti Viri concisam nimis brevitatem dolemus, inibi quippe *Velitis* duntaxat ritu in hostes excurrit, nec *justi more belli* in illos grassatur.

Multorum porrò, quos libri deficiunt, commodis ut serviam, potiora
& nul-

& nullo certè adulterata fucò rerum momenta, quæ calumniæ toties in Medicos jactatæ, non confutationem, *quam Tibi Seorsim exhibeo*, sed immanitatem atq; vetustatem ipsam, omnibus patefaciant, in conspectu ponam: Atque adeò illorum detegatur malignitas, qui tam perversæ sunt indolis & à bonis moribus usque degeneres, ut sinistrè hanc auctoris mei Apologiam excipiant, quasi, vel larvas & umbras atque phantasmata sibi finxisset debellanda; vel ad illos lacerandos dextram intendisset, qui *ἔδ' ὕπαιρ, ἔδ' ὄναιρ*, *nec vigilantes, nec somniantes*, illud de Medicis convicium, non tantùm, non excogitarunt, sed etiam illius vel fautores, vel patronos, vel propagatores se nequaquam esse, aperte & palàm monuerunt, atque in compitis quasi declamarunt.

En igitur prima fronte, Elysi jucundarum quæstionum campi novissimus

simus Scriptor Gasparus à Reies Franco,
 Urbis Carmonæ Archiater, qui circa
 hoc thema paginas in folio implevit
 undecim, è quibus hæc paucula fide-
 liter libavi.

ANTIQUISSIMUM & INFINITO-
 RUM MENTIBVS STABILITVM
 MENDACIVM *ad veritatis trutinam*
examinemus, agamûsque cum innumera-
bili stultorum copiâ, qui Artis dedecus
jurantes, iniquo odio illius obscuratores
sese utique præbent, nec lacerandi convi-
tiandique finem faciunt, nisi priùs illud
suâ opinione ignominiosissimum ac despi-
catissimnm addant, MEDICINAM sci-
licet à ROMANIS EXPLOSAM, SEX-
CENTIS ANNIS EXVLASSE, & ab
Imperii finibus longè submotam EX-
TORREM fuisse pag. 2. §. 3.

Rursus pag. 5. §. 10.

- - *transactisque post paucis annorum*
decadibus, prima Medicorum orta est cla-
des. Hæc prima illorum repulsio, & Ex-

TRA IMPERII FINES ABIECTIO;
*quæ sanè à condita urbe , anno 580. paul-
 lôve minùs, cœpit , Catonis suadente gra-
 vitate.*

Rursum pag. 6. §. 13.

*Ulteriùs , Catonis gravitas & severi-
 tas major, rem impulit, &c. undè conti-
 git, ut NULO RELICTO, MEDICI
 PROSCRIPTI SINT, atque EXTRA
 CIVITATEM ABIRE JVSSI.*

Sic pag. 7. §. 13.

SENATVSCONSVLTO *suspectam
 jam ob predictas rationes MEDICI-
 NAM, MEDICÓSQVE OMNES , VT
 EXOSOS , URBEM RELINQVERE
 decretum est.*

Eâdem porrò pag. 7. §. 15. exi-
 lium illud & concedit & in centesi-
 mum usque annum, his verbis, pessi-
 mus ille Medicorum defensor protol-
 lit, *sed quanta fuerit exilii illius duratio,
 modò dicam : quippe à sexcentesimo Ur-
 bis anno , circa quem , S. C. de eâ amo-
 vendâ*

vendâ data sunt , usque ad primos Cæsares proscriptio prorogata est : quod tempus fuit , 100. paulò minùs annorum, quod idem rursus atque perperam inculcat ad calcem §. 16. pag. 8.

*Pariter & Langius * exilium illud oscitanter intromittit , & in Claudium usque Cæsarem prorogat , uti liquet ex hoc ipsius contextu , Cato severus ille morum Censor , Græcorum MEDICIS URBE INTERDIXIT &c. Tandem verò , quum CLAUDII CÆSARIS principatù , Lichena & Menta-gra, purulentis per Italiam grassarentur*

** Joannes est Langius, Leobergæ celebri Silesiæ oppido natus, & quinque Palatinarum Electorum anno salutis M. D. LXVI, ætatis suæ xxc, Heidelbergæ Archiater denatus, Epist. 2. l. 2. pag. 482. Edit. Hanovianæ M D C V.*

ulce-

*ulceribus tum ex Ægypto * accersiti Medici.*

* Quæ de Medicis ex Ægypto accersitis hic profert *Leimbergius*, è *Plinii l. xxvj. c. 1*, sed supinè atque dormitando desumpsit. Et si enim verum foret, ætate *Claudianâ* *Cæsareâ* Medicos ex Ægypto fuisse vocatos, exinde tamen nequaquam eliciendum esset, Romam antea Medicis caruisse. Annon quæsumus, vel hoc seculo, dum aliquâ in Metropoli, malo quopiam insolenti & rebellante conflictantur Magnates, Medici & Exteri arcessuntur, citra tamen consequentiam de Metropoli illâ Medicis vel indigenis vel inquilinis vacuâ. Haud ergo concludere fas est, Quirites Medicis ideo caruisse, quia ex Ægypto Medicos summatibus Medicinæ faciendæ gratiâ Romanam acciverunt. In illud tamen pravum atque detortum ratiocinium incidit *Langius*, idque dubio procul præoccuparam illam, quam de Medicorum exilio mentem gerebat. Hâc nempe anticipata opinione dū animus ejus tenebatur, & hunc *Plinii* locum offendit, præ lætitia exultans exclamavit *εὐγεννα, εὐγεννα*, arma quasi invenisset victricia, quibus Medicorum hostes ad confitendum adigere potis foret, *exilium*

lium illud , quod *in annos sexcentos* vulgò protollunt , *tot in secula* haud fuisse prolatum.

Est & altera Langii allucinatio non minus culpanda. Nisi enim , *Plinii caput illud* 1. l. 26. perfunctoriè consulisset , & à limine duntaxat, ut ajunt, salutasset, animuin ejus , tantus error non occupavisset. In quemlibet enim , Plinianam illam sextam vigesimam porticû seriò vel lustrantem vel intrantem, longè alia mens à *Langianâ* incidet. Plinius quippe nequaquam profitetur Medicos ex *Ægypto* Romam accitos fuisse ; sed consultis verbis , lucro illos allectos (*utpote Magnatibus insolita lue infectis subsidio venturos*) suo Marte & sponte sua ex *Ægypto* Romam ADVENISSE refert.

Insolens autem illa lues , Tiberii Claudii Cæsaris principatu medio in Italiam primùm irrepsit, nec totâ tamen Italiâ, sed totâ Româ vagata est , sine dolore quidem illa , ac sine pernicië vitæ , sed tantâ fœditate , ut QUÆCUNQUE MORS PRÆFERENDA ESSET. A mento etenim ferè oriebatur, (*undè joculari lasciviâ MENTAGRAM appellavêre*) atque in multis totos utique vultus , oculis tantùm immunibus, occupabat, descendebátque & in colla, petusque

Etusque ac manus, *scædo cutis surfure*, veterum lepræ haud ablimili.

Cæterum, non sensere id malum scæminæ, aut servitia, plebésque humilis aut inedia, sed PROCERES veloci transitu osculi maxime.

Insuper his, notare est, faciei sceditati tantæ, curam fuisse nullam causticis usque in ossa exurentibus potiore; quæ certè vultus ultio, uti deformitatis unius expultrix, sic & alterius *gravioris* effectrix erat, *scædiore multorum cicatrice quàm morbo*. Viri iccirco PROCERES vocibus instabant, inque Romanos Medicos assiduas ore querelas jaciebant, quarum profectò rumor amarus, universum orbem citò pervasit, ac proin & Ægyptios afflayit. Quocirca, versipelle istud Medicorum genus, inhians lucro, Romam adivite eâ fiduciâ, se ab Optimatibus illis lue correptis, Romanis Medicis præpositos iri; nec sefellit ipsos rerum exitus. Quoniam enim, talium vitiorum genitrix Ægyptus audiebat; Ægyptiū idcirco Medici, hâc & in lue curandâ, Romanis peritiores habebantur. Confidentius itaque Romani Summates sese curandos tradebant Ægyptiis, illorūque curas largitione redimebant. *Siquidem certum est, Manilium Cornutum ex Prætoris Legatum*

gatum Aquitanica Provincica, H-SCC elo-
casse in eo morbo curandum sese.

Quæ certè pecunia ingens, ex meritif-
 simi & exactissimi Viri FRIDERICI GRO-
 NOVII nostri calculo, in eruditissimo suo nō
 vulgaribus sed interioribus & recoditis Li-
 teris plurimis pleno de sestertiis libro, *sester-*
tiūm nummūm ducenta millia, sive nostro-
 rum Philippūm vel Ducatonum QVINQUE
 MILLIA complet. Hanc ο φιλιάρης, aber-
 rationem, (*quam spondeo unicam fore*) con-
 dones velim. Fortè tamen aberratio non
 est, nam *extra oleas minimè vagor*, dum e-
 vinco tantam pecuniæ vim, Medicis Ægy-
 ptiis in unius CORNVTI curationem ero-
 gatam, maximum ipsis fuisse profectio-
 nis illicium. Magnam enim prædam illos
 subolsécisse retulimus supra, confecimús-
 que lucri illos odore plectos, suo nutu,
 suoque impulsu Romam tetendisse, Ro-
 manos Medicos ut prædarentur, dum
 PRÆPOTENTVM lueim, suam ad præ-
 dam lucrūque, providè revocarent.

Ad hæc demum sufficiet & Valle-
 sium adduxisse, Philippi Secundi Hi-
 spaniarum Regis Archiatrum, qui no-
 vissimo seculo acerbissimæ illius
 calu-

calumniæ propagatores , pauculis
hisce aggressus est, lib. de Sacra Phi-
losophia Edit. Lugdun. 1595. pag. 591.

*Illos enim sexcentos annos, quibus Ro-
ma caruit arte hâc, SENATVSCONSVL-
TO DAMNATA * mendacium esse me-*

Hic notes velim, Vallesii, Viri aliàs vi-
gilantis & acuti, nec sæpiculè dormitantis,
oscitantiam, quâ MEDICINAM, SENA-
TVSCONSVLTO DAMNATAM recipit.
Planum quippe est, ex ipsiusmet Vallesii
computatione SEXCENTIS ANNIS ante-
quam Medici Romani incoherent, Urbem
nequaquam *conditam*, nedum *Senatu ho-
noratam* fuisse.

Hic insuper, stuporem *conviciatorum*,
vel dicam *pecudum*, attendito. Fabulantur
enim, à *Senatu Romano*, in 600 annorum
exilium, actos fuisse Medicos. Non animad-
vertunt interea (*præ alto, qui illorum men-
teis urget & obruit, stupore,*) quod quemvis
egregiè cordatum nequaquam fugit ; *pri-
mò* scilicet, ineptum atque absurdum esse,
exilium illud Medicis, à *Senatu*, in æta-
tem usque longævam imperatum fuisse.

Non contuentur *secundò*, penes Sena-
tum nunquam fuisse, vel condere *Leges*,
vel

rum ipsâ annorum computatione constat. Nam venit Romam, teste eodem Plinio, Archagathus, anno ab V. c. 535. qui honorificentissimè receptus est, & post illum semper plurimi subsecuti. Si igitur plusquam 600. ante annis, damnaverat Ar-

vel *exilium* irrogare, quæ post talium, & Legum & *exilii* denatos auctores, perennarent. Romanorum enim Resp. toties interpolis, id nequaquam tulit: nam ubi primùm, qui Reip. clavum tenebant, denascebantur; cæteri, qui defunctorum in locum sufficiebantur, Antecessorum placita atque decreta immutabant; *leges* abrogabant, atque etiam in *exilium* datos, de *exilio* reducebant. Uti profectò, vel in Imperii Romani ætatem usque extremam, illorum *progenies* vitiosior atque vitiosior semper data, quæ à *stirpe* habuerunt sanctiones & statuta, illa certè violarunt atque funditus everterunt.

Licet igitur, *stulto* quopiam atque *Vesano* senatus decreto fugissent in *exilium Medici*; illo sanè, vel Regum auctoritate; vel Coss. decretis; vel Populi suffragiis; vel Imperatorum jussu, *exilio suo*, paucò post tempore, liberati fuissent.

tem, Roma plusquam 70. annis antequam conderetur, illam damnavit. Futilia itaque dictoria sunt hæc omnia.

Illius porrò lolii, quo tot in Medicos protervi atque procaces & vicitant & inebriantur, seminator & fator, atque ut ita dicam, educator & altor, acris est ille Literarum Literatissimus hostis, H. C. Agrippa lib. de vanit. scientiar. cap. 83. de Medicinâ Operatrice, pag. 196. Edit. Lugdunensis, qui primus * quem sciam, quinto decimo ineunte seculo, integra Literarum seminaria, *Tubingense præsertim & Argentinense*, hæc infelici semente consevit, *Romani quondam*

* *Plinium* enim, quem vulgò Medicorum Sycophantæ suas ad partes pertrahere connituntur, hinc fileo. Illum quippe meus auctor, Orationis suæ parte II. atque IV. non tantum ad exilii inficias blandè perduxit, sed etiam Medicorum causâ acriter depugnantem in arenâ collocavit.

sub Catone Censorio , MEDICOS
 OMNES , & VRBE TOTA , & TOTA
 ITALIA PERPVLERVNT. Illinc pro-
 fectò juxta feminii istius indolem ,
 fruges quidem surrexerunt , sed nul-
 latenus lætæ & amœnæ , opimæ licèt
 atque feraces , quibus maledicum ita
 sese exsatiavit hominum genus , ut
 easdem sed corruptas atque adeò no-
 centiores , statim sub initia seculi , ore
 quidem oratorio , sed maledicentissi-
 mo horrendum hunc & infandum in
 modum in Auditorio Tubigensi publi-
 citùs eructaverit , * Roma sexcentos
 stetit & floruit annos , antequam Medicos
 recto & hospitio exceperit ; quam primum
 verò periculo suo didicit , cicures se tan-
 tùm latrones & mansuetos homicidas ex-

Uti palàm & ante oculos omnium erit,
 qui *Thome Lansii* Mantissam consultatio-
 num & Orationum , *Consultatione de præ-*
rogativa certamine quod est inter milites &
Literatos , pag. 58. Editionis Tubinganae,
 anno 1656. consulent.

cepisse, eos ITERVM EXPVLIT *. Hic notes velim , Oratoris illius dicacis, acerbi & amarulenti atque virosi postrema verba , iustissimæ querimonix, quam ab ipso suæ Orationis exordio, de hac indies virulentiori calumniâ meus auctor habet, fidem facere luculentam En quippe eadem, quam ille propulsat calunnia, sed longè perfectò pestilentior, quàm ab ullo pestifero ad Medicos aspiraverit unquam. Exempli etenim gratiâ , mitiùs longè novâ in Argentinensium Acroasi cum Medicis egit, Orator ille alter, qui virus idem, sed mitificatum, in Medicos his verbis evo-

* Scorpius venenum in caudâ gerit & oblique ferit : ita hic Orator in fine virus effundit suum & dissimulanter lædit. Sed amabo, quî contigit ut Medicos ITERVM EXPVLERIT ROMA , quos antea nunquam expulerat ; quosvè (*uti falsò profiteris, ô viperine conviciator Pattacione calumniosior*) nec tecto, nec hospitio exceperat.

muit,

muit, * *res hac impulit Romanos, ut propter Archagathi cujusdam in secundo crudelitatem, omnes odio Vaticano* * Medicos prosequerentur; eosdem urbe exterminandos esse CENSERENT.

Tantum autem virus, unius superioris Germaniæ limitibus nequaquam coercitum est, ipso etenim Agrippæ seculo, Gallias totas id veneni infecerat. Michaël quippe Montanus, haud ignobilis alter Artis Phœbeæ ex traduce osor atque derisor, sub expirantis Agrippæ tempora in Galliis natus est, ubi Literatorum non duntaxat, sed & vulgi venefi-

* Uti legere est apud Melchiorem Junium tomo primo orationum anno recuperatæ per Christum Salutis MDC. Argentinæ habitarum, *Orat. 3. de comparatione Medici, Philosophi & Oratoris.* pag. 133 I.

* Dicti hujus auctor, VATICANO, quàm ipsi VATINIANO, fuit dubio procul infensior, utpote qui proverbialem illam de odio VATINIANO loquendi formulam, ad VATICANVM traduxerit.

cum, hac in Medicorum re his vernaculis verbis * perditè se gessit, *Les Romains avoient été six cens ans avant que de recevoir LA MEDECINE ; mais après l'avoir essayée, ILS LA CHASSERENT DE LEVR VILLE, PAR L'ENTREMISE DE CATON LE CENSEVR.*

Ita profectò Montanus linguâ suâ in Medicos passim petulcâ atque protervâ, sed hîc veneficâ, virus illud de Medicis, ab integro propemodum seculo, scripsit enim anno 1580. in populum longè latè que diffudit.

Quia enim illius viri scripta, & Gallica primùm sunt, & ludicris subinde atque scurrilibus plurimis, fanâque multiplici ; salibus atque facetiis ; dicteriis & sarcasms ; leporibus item atque Gratiis undique scatent, Gallorum manibus utique versantur.

* Uti cognitum & compertum habiturus est, quivis lector *capitis ultimi, libri secundi* Operum ejus Parisiis in fol. recusorum anno 1652, pag. 566.

Qui

Qui igitur plurimi Galli, per hunc insolentem sed imbellem, juratum licet Medicorum hostem, tanquam per juratissimum auctorem jurejurant, Medicos & illi proscindunt, atque hanc ipsis de exilio nominatim sed illiberaliter prorsus infamiae notam dente Theonino figunt. Prout etenim maligna fert hominum indoles, ad calumniam & excipiendam & dissipandam prona atque prompta, id de Medicis opprobrii, quod ab origine Agrippinum est, à Montano, tanquam à turbido fonte, aut putidâ lacunâ, hauserunt, illudque per Gallias latius atque latius dissiparunt, ac proin auctori meo, jure meritóque, in ipso suæ orationis initio, vivax audit illa calumnia, utpote quæ totis Galliis volitet per ora virum.

Nec modò grave illud virosūque & pestilens de Medicis scomina, è Montanico foetente lacu, tanquam è palude stygiâ derivatum, per Gal-

lias latè defluxit; sed & è Galliis, Hispaniis item atque Germania superiore, *de quibus dixi supra*, nostrum in Belgium hocce Medicis putido verborum fluxu corrivatum est,

De Romeynen zijn ses hondert jaer ghetweest eer sy de Genees-konste aen namen: Maer deselve beproeft hebbende/soegen sy die upt haer Stadt door toedoen van Cato de Keurmeester van de Manieren.

Huic certè fluento reprimendo atque coërcendo Joannes nollet totus insudavit Beverovicus *ò mandati-
tis*, in opusculis * illis quæ Belgico idiomate manibus omnium teruntur. Inibi quippe nervos suos revera intendit, Montani ut grande supercilium retundat, & effrænata mordacitatem infrænet: Verùm majori conatu quàm successu, id molitus est. En quippe illum circa hoc chimæri-

* De Wercken van Beverwijck in 4. pag. 184. op de eerste Col. t'Amsterd. 1656.

cum Medicorum exilium silentem,
 καὶ ὁ δὲ γρῦ ἀποκρίνοντα & ne gry
 quidem respondentem. Quam igitur
 tanto opprobrio debes ἀπόκρισιν
 seu apologiam, si nec tuo ex fundo,
 neque ex præcedentium Scriptorum
 penu, eam extrahere potis es, illam,
 quæsumus Te, ab Auctore hocce
 meo, à cuius lectione, ulteriori verborum
 serie absit ut Te inhibeam, expromere
 ne dedignator.

Vale mî Φιλίατρε, & hisce ad-
 versus viperinos linguarum ictus
 animum tuum innutrito,

TOXICA NE POSSINT SÆ-
 VA NOCERE TIBI.

F I N I S.



B s

ORA-

O R A T I O.

M. Rector, fidele Mysteriorum Dei, insimul custos atque detector;

Almæ Civitatis, prudentissimi Proceres, potentissimique Summates,

Prætor, Coss. præses, Coss. Scabinorum præsul,

Scabini, quique ipsis estis & à Consiliis & à Secretis;

Collegæ honorandi, omnibus in disciplinis solertissimi, solidissimique, nec-non Literaturæ cultioris Antistites atque Protomystæ;

Vósque quotquot adestis, ornatissimo huic cemeo Apollinari laureâ ritè condecorando Medicinæ Candidato, vel sanguine, vel affi-

nitate, vel amicitia conjuncti;

*Túque imprimis illius hono-
rande Cognate, Ecclesiastico &
Academico munere sacro, Vir
Reverende;*

*Venerandi Symmystæ, fidelés-
que Mystagogi;*

*Lectores, Doctores & Magi-
stri Liberalium Disciplinarum
acutissimi, eruditissimique;*

*Tu LECTISSIMA, mysteriis
Divinis dicata,*

Tu Themidos oraculis addicta,


Túque Apollini consecrata,

IUVENTVS;

*Tu porrò, illustrissima reli-
quorum adstantium corona,
Grande meum decus hodiernum.*

PARS

P A R S P R I M A.


 Uot præsentis in-
 tueor, quos salutavi
 Viros omnium or-
 dinum longè Clariss. linguis
 mihi faventis & unico ab ore
 meo pendenteis; tot certè,
 Medicum audiendi causâ, hoc
 in illustre confluxistis Athe-
 næum. At nomine vicibûsque
 meis commutatis, *non Medici*
sed Medicorum patroni, parteis
 sum acturus; Gallis enim Me-
 dicis, coram Senatu, pro se-
 ipsis dicere causam licitum
 est. Quidni itidem, alieno li-
 cèt degam in cœlo, mihi fas
 erit candido hocce solenni-
 que die, apud Vos, cùm Patriæ
 Senatûsque Patres, tum im-
 primis

primis æquissimos rerum æstimatores; causam, non meam quidem privatam, sed quæ omnium Medicorum interest, contra illos agere, qui non minùs falsò quàm injuriosè, sexcentis annis, Medicos Româ pulsos fuisse, jam olim, publicis scriptis consignarunt.

Illam profectò calumniam, oblivione voluntariâ contereremus, si *fumus* duntaxat esset nostrum in nomen putidè sparsus; spontè siquidem evanesceret: At quia verissima est *Διαβολή*, quæ Medicos omneis maledictis figit, illisquæ, ceu framea quadam acutiore atque venenatâ, trajicit pectora; illius mehercle profundo venenosóque vulneri, medellam,

lam veritate faciemus. Nobis
 quippe nihil magis inſitum eſt
 à Naturâ, quàm ut Sauciati
 Medicinam expetamus. Nul-
 lum igitur mirari ſubeat, ſi in
 præſens, virulentum illud,
 quod Medicorum corpori,
 jampridem & à vetuſtiſſimis
 temporibus inflixerunt feræ,
 percurare vulnus aggrediar;
 aliàs quippe neglectum, aut
 malè curatum, (*uti auſim dixiſ-
 ſe, malè hæctenus curatum fuiſ-
 ſe; illius de cura ſategerint licèt,
 Viri authoritate graves & Ar-
 chiatrì ſummi,*) ſua nos majori
 indies, exederet feritate. Vi-
 res etenim acquirit eundo,
 nec reliquorũ more vulnerũ,
 quæ calumnia intulit, tempo-
 ris decurſu, aut cicatrice ob-
 duci,

duci, aut mitescere saltem; pote fuit : sed ediverso unà cum seculis ætatibúsq̃ue hominum inveteravit, atque * ita exasperatum est, ut in ulcus ferinum cancrósúmque degeneraverit.

Calumniā quidem in se, levis est sermo & qui leviter volat, sed qui graviter vulnerat; qui leviter transit, sed qui graviter urit; Qui leviter animum penetrat, sed qui ex animo non leviter exit. Qui demum, leviter proferitur, sed non leviter revoca-

* Quàm justè has de seculorum in Medicos iniquitate querimonias habeam, ex adductis è Lansio, in præfat. ad Φιλίατρον, ad calcem pag. 27. vel abundè liquet.

tur.

tur. Imò qui pronis auribus
 uti accipitur, ita & *in vivis lon-*
gè latè que pascitur; N I H I L quip-
 pe tam volucre est, quàm Ma-
 ledictum; nihil faciliùs emit-
 titur; nihil citiùs excipitur;
 N I H I L latiùs dissipatur; ac
 proin, *Mortale* genus omne,
vivaciter * pervasit. Exinde
vivax est & illa, quam dixi ca-
 lumniam esse Medicis conflatam.
 At illi, *vivacissimæ licèt*,
 ceu sibilanti serpenti, suòque
 venefico halitu nos afflanti,
 caput exscindendum est; & ne
 rescisso uno, H Y D R Œ adinstar,
 renascantur alia, omnem illi

* Vivam illam meritò dixi, utpo-
 te quæ passim per ora Virorum cursi-
 tet, uti constat ex Epistolæ ad Φι-
 λιαρχον pag. 31.

occa-

occasionem amputabo, dum
 venenatam illam mendacem-
 que, de Medicis infamatio-
 nem, quorundam animis me-
 dullitùs inhærentem, imis de
 pectoribus revellam, ne Mor-
 talium ullus, iisdem deinceps
 moribus, idem nobis venci-
 num inspiret. Quod nego-
 tium gnaviter si confecero;
 gratiam ex illo, *non minimam*
certè omnes apud Literatos,
 sum initurus: Literariæ siqui-
 dem Reip. interest, redivivus
 serpens ille Python, qui tot
 Apollinis Nepotes commor-
 det, ut trucidetur; Is quippe
 morfu suo trifido, ceu triplici
 telo, non Medicos unicè, sed
 tres P E R S O N A S transfodit;
 nam delatos cum primis Æ-
 scula-

sculapii Sacerdotes transverberat ; Auditorem veritate privat , dum illius in aureis suum venenum transmittit ; Delatorum porrò conscientiam atrociter fauciat.

Insuper his,acriùs me commoveret, quòd profanum non modò vulgus, suum illud, quod à Viris, vel *malè feriatis*, vel *malè doctis* accepit , in nos effundit virus ; sed & , quòd mendax illa qua miserè laceramur contumelia , in tantum invaluerit , ut vel quasdam *proborum & liberaliter eruditorum* menteis, dicámne occupaverit, an potiùs occaecaverit.

Illorum enim haud infimates , id probrum & dedecus coram in os , mihi singulatim

ac sæpius intulisse, nequaquam erubuerunt. Quoniam igitur, *Viri boni & Literarum docti*, eò credulitatis adducti sunt, sibi in animum ut induxerint, illam maledicti notam qua inurimur, non *calumniam*, sed obtrectationem esse; eò animosiùs in hancce Medicorum causam descendo, eoque acriori mentis impetu, * vestros animos ad illam

* Ignoscite quæso, huic animi mei impetui, quo abreptus, moras abrui, (eheu, plus satis jam longas, nullus enim à tot retrò seculis, gravem illam Medicis impositam injuriam, aut levavit aut revulsit) ne diuturniore tolerantia, *συνώμματα μαισωνικοῖς*, Masonicis illis in Medicos dictariis petulantius jactis, connivere viderer. Me igitur, contumeliam repressisse decuit, ne ulterio-

converto. Tanta etenim , pri-
 mævæ Medicorum formæ il-
 lata injurias;alta mente repos-
 ta manet, & me vindicem sol-
 licitat & instigat, qui illam ul-
 ciscar. En igitur illius, *Viri*
omnium Ordinum longè Ampliss.
 corâ Vobis ultorem me sisto,
 & rem ipsam ut aggrediar,
 vel ab ipso exordio dicam, il-
 lorum esse, per quorum ora il-
 teriores hominum menteis invade-
 ret: Aliàs enim non compressa, neque
 coërcita; uti temporibus priscis, sic &
 deinceps , de manu (ut ajunt) in ma-
 num; de seculo in seculum; de gente
 in gentem; de regno in regnum; de
 Rep. in Remp. de familiâ demum in
 familiam, atque sic porrò , in impro-
 borum atque procacium aureis infer-
 retur , qui petulanti linguâ Medicos
 infectari non desinerent.

Iud de nobis convitiũ volitat,
 tanti sui in nos cõvitii, aliquot
 saltem, vel *graveis* vel *speciosas*;
 non autem *illocabiles* atque *cap-*
ptiosas, rationes dare, aliàs puri
 puti & pergraphici sycophan-
 tæ audient. Quales autem
 sint illorum à quibus tantope-
 re veritas abhorret, præstigiæ
 atque captiones, sumus infrà
 perinde detecturi atque diffi-
 paturi. Velim interea, ex mei
 juris redundantia, generosiùs
 cum ipsis agere, nec Medico-
 rum jura, quibus hodie patro-
 cinor, simplici rei, nusquam
 probatæ, nusquàmve proban-
 dæ, tueri negatione. Istoc si-
 quidem super argumento,
 cùm omnia fileant Annalium
 monumenta, nec ullibí Gen-
 tium

tium legere sit, quonam vel *Plebiscito*, vel *Senatusconsulto*, Medici fuerint Româ exterminati; quibûsve fuerint, vel *Populi jussis*, vel *Patrum decretis*, Romam revocati, consequens est, probrum illud quod in nos conjiciunt; vel *malignè* & *turpiter excogitarint*; vel *suspiciosè* & *temerè ab aliis acceperint*.

Res dolosè fraudulentè-que de nobis *excogitatas*, atque fictitias, ceu hominum cerebroforum commenta atque chimæras, vel Anticyram relegamus; vel ad Incolas Lunæ exilio pellimus sempiterno.

Illud autem probrum in nos collatum, si ab aliis accep-

pe-

perunt; vel *scienter* atque *criminosè* tanquam *falsum probrum*; vel *inscienter* & *inculpate*, tanquam *historicum quid*, illud acceperunt.

Si *priori modo* id præsumferint, eo ipso nómine *Sycophantia* proditur; quam, utpote *διαβολικὴν*, diris esse devovendam profiteamur. Si *historico modo* illud hauserint; vel *ex infidis* & *sublestæ fidei Auctoribus* id hauserunt; vel *ex fidissimis* & *locupletissimis Veterum monumentis* id ipsum eruerunt.

Si *priori pacto*, nullo in loco, nullóque in número, *Viris à cordatis* id habendum est; quinimo, vel *aniles inter fabellas*, nulla specie veri vel *leviusculè adumbratas*, vel in-
ter

ter ludibria Fauni, id ipsum reponendum est. Nolim igitur, in illis fabulofitatum portentis elevandis immorari. Nullus quippe Vestrûm est, qui sese fabularum tricis implicari patiatur.

Scrutemur ergo, *Veterum fide dignorum* penetralia, & inquiramus seduli, num ex reconditioribus illorum monumentis, tale quid extrahi queat, undè ansam de Medicis contumeliosè atque mendaciter scriptitandi arripiant, sexcentis illos annis fuisse Româ interdictos.

Id quippe si contigit unquam; vel *Catonis ante tempora*; vel *per illius ætatem*; vel *post illum denatum*, contigisse ne-

cessum est. Quid enim temporarium datur, præteritum, præsens & futurum ultra.

At nullis id unquam obtigisse temporibus, hisce rerum momentis luculenter evincam, & adversum maledicentiæ fluctus, vel insanos atque decumanos inconcussè stabiliam.

NAM I^o. quidem, Cassius Hemina testatum reliquit, primùm è Medicis venisse Romam Peloponneso, Archagathum, * anno V. C. quinto & trigesimo supra quingentesimum; eisque jus Quiritium datum, & tabernam in composito Acilio ob id publicitus

* L. Æmilio, & M. Livio Coss.

emptam

emptam fuisse. At CATO tunc temporis, pueritiam vix egressus erat, annum siquidem agebat quintum decimum; natus quippe est, Urbis anno vigesimo ultra quingentesimum.

E quibus profectò, luce hâc propemodum meridianâ clariùs patet, impossibile fuisse, Medicos ut Roma, *Catonem ante adultum & auctoritate polentem, expulerit*; Romam etenim nondum venerant. Qui igitur Medici, Romæ fuerunt nunquam; *Româ fuerunt & iidem nunquam expulsi*; utpote quia, non Entis, non datur expulsio.

Quis nostrum amabo, hospitem quempiam, quem nuf-

quam admisit, suis ex ædibus extrudet & ejiciet? Quando enim ferunt, turpius ejici, quàm non admitti hospitem; *ejectionem*, *admissioni* opponunt. Falso igitur Medici, dicuntur *Româ ejecti*, qui purè dicendi sunt, *Romæ non admissi*, seu potius *Romam non venisse*. En ergo primum, *de Medicis ante tempora Catonis*, *Româ nequaquam exturbatis*, negotium confectum. Excutiamus jam, num Catonis ejusdem, sed *creati Censoris ævo*, fuerint unquam *Româ exclusi*.

PARS SECUNDA.

QUamvis Juridicum foret, ut illam quam nobis

bis instruunt calumniam, ex
 Chronicis Authenticis calum-
 niam non esse probarent, &
 Annalium omnium super illâ
 re silentium altum, victoriæ
 meis ab adversariis reportan-
 dæ, mihi sat esset; nihilomi-
 nus, quia Lunam citiùs de
 sphærâ suâ deripient, reliquâ-
 ve refixa cœlo sidera devoca-
 bunt, quàm illud probaverint;
 velim ego, ex Veritatis quam
 tueor prærogativâ, insequi
 pede presso secula *Catoniana*,
 atque *Catonianis* proxima, qui-
 bus Medici Romæ numero-
 sissimi floruerunt. Istud dum
 exequar, illorum simul falsas
hypothesas evertam; subindè
 verò, rerum serie ductus, soli-
 dissimisque fundamentis ja-
 ctis,

Etis, *Veritatem ipsam* firmiter
ædificabo.

PRIMAM suam HYPOTHE-
SIM è Plinio mutuatur, apud
quem legere est, à Pop. Rom.
Catonis temporibus Medici-
nam fuisse damnatam. Quibus
Ædepol verbis nequaquam
evincent, vel *Medicos fuisse*
Româ pulsos exilio; vel illud
exilium annis sexcentis durasse,
uti scriptitant, quos tenet in-
fanabile nos calumniandi ca-
coëthes.

Etenim, Plinius ubi dicit, *Po-
pulus Rom. Medicinam damna-
vit*, idem dicit, ac si, *improba-
vit*, dixisset. At Medicinam
improbare, nequaquam est,
Medicos in exilium projicere.
Quid enim vel hoc in ipso
Belgio

Belgio vulgatius est , quàm Medicorum aliquot praxim *damnare*, id est, *reprehendere & culpare* ; vel si velitis ut pres-
sius dicam , ὑβρίζειν, περιηλα-
κίζειν & πειραγματίζειν, nulli-
tamen, iidem illi Medici
quorum traducitur damna-
tūrve praxis, ex Urbibus eji-
ciuntur.

Si quis mihi taliter inter-
preti fidem derogat, attendat
quæso sedulus ad Orationis
Plinianæ contextum, & solis
adinftar radiantes hæc quæ-
ternas veritates suo firmiter
innixas cubo contemplabi-
tur.

I^o. quidem , per verbum
damnavit , nihil aliud Plinium
sibi velle , quàm Populum

Rom. Artis illius quam damnaverat aliquo fuisse tædio affectum.

II°. per Medicinam, eò loci esse intelligendam unicè Chirurgicam partem.

III°. Chirurgiam non omnem, sed illam duntaxat quæ crudelior est, fuisse damnatam.

IV°. demum, Medicos propterea fuisse nequaquam à Civitate abactos. Inibi quippe *abactûs* causa si qua foret capitalis, illa prorsus *singularis*, nec omnium Medicorum foret; siquidem agatur *singulariter* de Archagatho, qui *Vulnerarius* primùm audiebat, mox à sævitiâ secandi urendique *carnifex* vocitatus est.

Non

Non ergo *Medicos*, nec *Medicum*; nequidem *Chirurgum*; sed *Carnificem* damnarunt; nec interim *damnatum*, Romanis *pomæriis* excedere jusserunt.

PLINIUS etenim aperte refert illius *Archagathi* *carnificinam* in tædium artis transisse, at nullibi adjecit ipsi fuisse *Civitatem* ademptam.

Et ne quis confingat *Medicis* palpum ut obtrudam PLINIO ine fucum facere, en Plinius acerrimum nostrum *Patronum* se gessit.

Quid inquit (seipsum compellans) *damnatam rem utilissimam credimus?* *Minimè Hercule*, respondet sibi continuo, *minimè Hercule*, non rem *Antiqui* *damnabant* sed *Artem*: *Ar-*

tem scilicet illam Archagathi
 sæviorem, quæ ferro & igne
 humanos artus excruciabat
 atque truncabat. Imò præci-
 sè magis loquens Plinius, li-
 tem nostram omnem ceu pe-
 remptorio edicto dirimit :
 Hæc quippe aurea unciali-
 bus literis Cedro consignan-
 da verba profert, *Et cùm*
Græcos Italiâ pellerent, DIV
 ETIAM POST CATONEM EX-
 CEPERVNT MEDICOS.

Sic Tranquillus in Octavio
 Cæsare, ab illis quos annonâ
 gravi conflictati Romani ex
 Civitate exegerunt, conceptis
 verbis, Plinii suffragator, ME-
 DICOS EXCIPIT. Hæc enim
 immortalitate dignissima ver-
 ba, mentibus nostris, ceu ada-
 mantino.

mantino stylo signavit, Magnâ
 verò quondam sterilitate, ac dif-
 ficili remedio, cùm venalicias &
 lanistarum familias, peregrino-
 sive omnes, EXCEPTIS ME-
 DICIS &c. urbe expulisset Augu-
 stus &c. Quid quæso aut ma-
 gis appositè, aut magis accom-
 modatè dici potest ut adver-
 sarii nostri causâ cadant? Ni-
 hil certè pressius, nihil strin-
 gentius potest in medium ad-
 duci.

His tamen ad causæ nostræ
 fidem & firmamentum, quæ
 scrupulum omnem, vel con-
 tumaciorum animis altius in-
 hærentem eximere apta nata
 sunt, confirmationis ergò &
 auctarii vice sum additurus.

En primùm quidem, in hoc

C &

vehe-

vehementer incumbam, Plinium eodem loci referre, *damnata illa*, (& jure optimo *damnanda*) *Archagathi scvitiâ*, *in tædium Artem*, OMNES-QUE MEDICOS *transisse*. Romæ igitur complures erant Medici Archagatho coætanei, & per consequentiam *non erant exilio mulctati*. Haud quippe reciprocantur, *in tædium transire & in exilium ejici*. Haud rursus identitas est *Archagathum* inter, ejusque *ἰατροτέχνης*, & *Pop.* ipsum *Rom.* Haud ultimò confundenda sunt *Activa Passivis*; atque adeò Plinius ubi docet *in tædium Populi Rom. artem Archagathi*, *omnesque Medicos transisse*; nihil aliud sibi vult,

vult , quàm Archagathi , aliorumque Medicorum Artem Populo Rom. tædium peperisse, tædium adduxisse: At nequaquam vel Plinius , vel Veterum ullus , passivè scripsit , Archagathum ipsum ejusque *συνεργός*, tædio, tantum abest ut exilio , dixerit affectos fuisse. Non ergo fuerunt *Medici* seu potius *Chirurgi* illi , in urendo atque secando duriores licèt , in exilium projecti, sed Romanam Urbem suis in *Tabernis* incoluerunt. Jam quippe constat ex Cassio Heminâ , Romæ *tabernam* in compito Acilio fuisse Archagatho publicitus emptam. Alias autem præter illam, Medicorum *tabernas* vel tunc temporis fuisse Romæ ,

en

en authoritas duplex omni
 elevatione major, quam Vo-
 bis dari velim pro superpon-
 dio; iisdem quippe Catonis &
 Archagathi temporibus illis,
 Plautus atque Terentius, *Me-
 dicorum Romæ degentium* men-
 tionem habent; speciatim au-
 tem de Amphitruone & Epi-
 dico scripsit Plautus, suum il-
 los *Naucratem* atque Peripha-
 nem quæritasse in MEDICI-
 NIS, id est in *Medicorum taber-
 nis*, quas & à myropoliis & à
 tonstrinis ibidem distinguit.
 At, quis inanes & Dominis va-
 cuas illas fuisse quas perrepta-
 verant Amphitruo & Epi-
 cus *Medicorum tabernas* sibi
 stultè fingat? Quin potius Pli-
 nio assentiri est, qui Plauto
 con-

CONCORS MEDICINAS illas five
 τὰ ἱατρεία, *Officinas* vocat, in
 quibus *sua* cuique *Venalis* pro-
 mittitur *vita*. Remedia quip-
 pe inibi à *Medicis Venalia*, vi-
 tam spondebant emptori; uti
 ediverſo; & eodem loci dele-
 teria vænibant pharmaca, qui-
 bus occæcata gens illa Paga-
 na, ærumnoſæ tædioſæque
 ſuæ vitæ filum abruptura,
 morti ſeſe tradebat, teſte Plau-
 tino iſtoci altero,

- - ibo ad Medicum, atque me ibi toxi-
 co, morti dabo.

Concludam igitur, illâ Plau-
 ti, Terentii, Archagathi at-
 que Catonis ætate, *Medicos*
 fuiſſe ſuis ex *Medicinis* ne-
 quaquam exturbatos; ſiqui-
 dem illorum *Officinæ* frequen-
 tes

tes Romæ vel tunc temporis fuerint.

Ad alteram HYPOTHESIN quod attinet, intuitu est omnis ex inimiciis quas Cato Censorius, authoritate florens, Græcis cum Medicis exercuit; è quibus, præoccupata mens eadem, duo isthec falsa elicit quæ modo confutabamus *de Medicis Romæ exulibus*; idque annos sexcentos.

Quàm frivola & jejuna sit hypothesis illa, his rerum momentis liquido constabit.

Catonem odisse Medicos diffitebor nunquam, ille etenim odio plusquam Vatiniano Græcos omnes prosequabatur, atque ideo Medicos ipsos qui maximam partem Græci erant.

Cur

Cur autem Græcos usque oderit Cato, triplex est ratio; generica quidem una & altera; tertia demum singularis est.

Primo quidem infensissimo ferebat animo, *Quirites* à Græcis non modò *Barbaros* vocitari, sed & spurciùs quàm alios Italiae populos, *Opicos* appellatione foedari, quasi præ reliquis Italis forent oris spurcissimi & obscœnissimi.

Alter *ratio* est, Catonem solitum fuisse πᾶσαν ἐλληνικὴν μῦθον καὶ παιδείαν ὑπὸ φιλοπρέπειας περὶ ἡλακίζειν, * Græcas

* Ita profectò, usque despicatum Isocratem habuit Cato, illius ut Discipulos per jocum irriserit. suum quasi apud Magistellum Arte in Oratoriâ futiliter discendâ

cendâ consenescerent indictâque causâ commorerentur , suos demum eloquentiæ fontes coram Minœ , in Inferis apud Plutonem aperturi.

En & Catonis atrocior in Græcos injuria ; etenim , eò insolentiæ prorupit ut SOCRATEM traduxerit , ceu Virum loquacem & garrulum , nec-non præterea ferocem atque seditiosum , qui tyrannidis occupandæ causâ , & mores antiquos labefactaret everteretque ; & sacratissimas leges conculcaret.

Resipuit tamen bonus ille Vir , ætatis quippe flexu prudentior factus , Literas Græcas valdè senex & ætate omninò provecus didicit , atque in Thucydidem , sed præsertim in Demosthenem , totus incubuit : nec-non etiam à reliquis reconditiore doctrinæ Græcis potiora sua , cùm placita tum apophthegmata , ita expiscatus est , ut illius in scriptis Literaturam cultiorem nihil sapiat , quod scripto.

omnes Musas atque Græcam
disciplinam omnem ambitio-
sius conviciari atque laceffere.
Verebatur enim, ne Literis
Græcis juveniles animi à bel-
li studiis avocati, ad vanas ar-
tes traducerentur. Quo certè
præjudicio mens ejus usque
irretiebatur, ut οἶον ἀποθεσ-
πίζων ἢ προμαντεύων, rerum
quasi præscius atque præfagus
[*vatem enim se jactabat*] filio
suo vaticinari non erubuerit,
Literis Græcis omnia CORRU-

scriptoribus Græcis protinus non re-
feras acceptum.

Atque sic profectò, honore mul-
tatus est CENSOR; quique fuerat in
Græcos injuriosus, crimen illud suum
tædiferâ quasi vel stigmaticâ pœnâ
luit.

PTUM * & PERDITUM *iri*;
 quod tamen illius vaticinium,
 rerum exitu fuit inane; nun-
 quam enim Roma ad altius
 glorię culmen perrexit, quàm
 Græcas dum Literas exco-
 luit.

* Hic Plin. atque Plutarchum
 combinavi, prioris enim verbum
 CORRUMPERE, cum alterius verbo
 PERDERE composui & coagmenta-
 vi. Quæ etenim Plinius super illa re
 sentiebat, sic elocutus est. QUANDO-
 CUNQUE ISTA GENS SVAS LITERAS
 DABIT, OMNIA CORRUMPET. Plu-
 tarchus verò, eadē illa Plinianę men-
 tis senſa sic expreſſit, ΑΠΟΛΟΥΣΙ
 Ῥωμαῖοι τὰ πρὸς γράμματα, γραμμα-
 τῶν Ἑλληνικῶν ἀναπλησθέντες,
 Rem ſuam PERDENT & periment
 Romani, Literas Græcas ubi vorabunt;
 vel Literis Græcis ubi affluent.

MUTU

Tertia

Tertia denique *ratio* Medicis unicè competit, atque itidem ex Catonis præsumptâ opinione sumit originem; *Iurarent inter se*, (suum de Medicis scribebat ad filiū) *Barbaros necare omneis* MEDICINA: Ac proin cūm Barbarus esset, sibi maximopere cavebat à Medicis, ne pro salutari Medicinâ venenum ipsi propinarent.

In illum porro, tanta de Medicis tamque criminosa suspicio ceciderat, propterea quod suam olim operam Regi Artaxerxi tanquam Barbaro denegaverat Hippocrates; quâ ex historiâ suspiciosè atque mendaciter inferebat Cato; κοινὸν ὄρκιον εἶναι τῶν, ἰατρῶν ἀπάντων, commune juramentum

tum esse hoc inter Medicos omneis, *nullis Barbaris ut inservirent.*

Quamvis autem Cato fuerit odio in Medicos hostili, illud tamen ita compressit atque privatos intra parietes ita coërcuit, ut publicum in actum eruperit nunquam : *Filio quidem suo interdixit de Medicis, τῷ παιδὶ παρεκελεύεσθαι φυλάττειν πάντας, ne scilicet ab ipsis veneficio perimeretur : At apud Senatum tantâ nunquam valuit auctoritate, ut illo suasore & impulsore fuerint Medici Româ proscripti.*

Is quippe non rexit Italiæ fata, nec ab ejus Censurâ fors Medicorum pependit. Ipse etenim, neque Regem neque Tyran-

Tyrannum se gessit. Imò, nusquam legere est de Medicis in Senatu Catonem esse conquestum, uti suas de Carneade Academico & Diogene Stoico (*quas sileo, ne meis à Castris Medicis deficiens, in aliena siam transfuga, & in illis incendiarius*) querimonias in Senatum jactavit.

Hunc porro mearum probationum numerum explebo, dum *compendio*, sed *fideliter* referam ex Cicerone, Horatio, Senecâ, Persio, Juvenali, Martiali, Plinio, Suetonio, Plutarcho atq; Galeno; veterrimis illis Catonis & Catoni proximis ætatibus, illustres Romæ Medicos immortalitati sua nomina consecrasse. Istæc certè
dum

dum exequar, meam de Medicis Romæ Archagathos & Catoni coævis, non duntaxat firmabo sententiam, sed & ultimum illud meum negotium conficiam, *nec à Catone denato, Româ Medicos exturres profugisse.*

PARS TERTIA.

EN primum libro quarto decimo, Plinii locus de *Erasistrato*, cujus ut maximi Medici auctoritas, anno circiter sexcentesimo, *id est Catonis ævo*, Romæ vigeat : de quo tamen Erasistrati tempore, nolim cum ullo contentione ferram reciprocasse.

En & vetustissimus ille *Herophilus*

rophilus Medicinâ clarus, qui Empiricos primùm damnavit, & subtilioris sectæ conditor, morborum causas scrutari instituit, atque arteriarum pulsus qui gubernacula vitæ temperant, in modulos certos legesque metricas descripsit.

En & Medicos nobiles *Julii Cæsaris* ætate quæ *Catonianam* proximè excepit: Uti etenim septimi ab V. C. seculi initium, *Censorii* nostri fuit occasus; ita fuit & medium ejusdem, *Julii* fideris exortus. *

* *Catoniana* etenim vitæ extrema clausula in annum ab V. C. 605. incidit; Annus verò ab ejusdem Urbis conditu 653. *Julii Cæsaris* Natalibus insignitus est.

Ecce igitur Julius Cæsar, qui dum circa Pharmacusam Insulam à prædonibus captus est, mansit apud eos, propè quadraginta dies, *cum uno Medico*, CVM UNO MEDICO; qui fortè Medicus, *Antistius* est ille, qui principis sui tribus & viginti plagis in Senatu confossi cadaver perlustravit.

Ecce & *Asclepiades*, Magni Pompeii familiaris, cujus fama tanta fuit, ut ad Mithridatis pervenerit aures. Hic quippe Româ, suis Legatis & sollicitationibus Asclepiadem evocare tentat, sed frustra: nam Asclepiades novam Romæ condiderat sectam, & menteis artificio eousque mirabili trahabat, ut universû propè humanum

manum genus circumegerit
in se ; non alio modo, quàm si
cœlo emissus advenisset.

Asclepiadis auditor fuit
Themison ille, Ἰπποκράτης re-
pertor qui ab Asclepiade Ra-
tionali institutus, ad Methodi-
cæ sectæ inventionem se con-
tulit ; & quæ inter initia scri-
pserat Asclepiades, illo mox
recedente à vitâ, ad sua placi-
ta mutavit.

Mitto plurima æqualis Ju-
lio Cæsari *Tullii* loca, ubi Me-
dicorum honorificè meminit ;
singulatim autem, *Asclepiadis*
illius quem modò extuli, &
quo amico Medicòque usus est,
eloquentiam celebrat. Nomi-
natim insuper profiterur se
assentiri *Cratero*, illius quasi in

verba jurasset ; unà cum Venusino Poëtâ , cui Crateri testimonium ita locuples est, ut Pythagoricum illud habeat,
Non est cardiacus, CRATERUM

DIXISSE PUTATO,

Hic æger.

Multos prætereo Medicos celebres , *Cassios* , *Calpitanos* , *Aruntios* , *Albutios* & *Rubrios* , ut transeam ad Augusti tempora, quibus alios inter,

- - *velut inter ignes*

Luna minores, emicuit *Antonius ille Musa* , qui propterea quòd ex gravi morbo Augustum exemerat , ingentem 1^o. pecuniæ vim , magnos deinde à senatu honores ; & universo demum ordini Medicorum immunitatem

tem vacationemque adeptus est. *Statuam ei præterea Romani, juxta signum Æsculapii, ex ære collato statuerunt.*

Mitto viritum collaudare *C. Celsum, Scribonium Largum, Arcyonæ & Chariclem;* qui eodem illo Augusti, nec-non Tiberii atque Caligulæ Dominatu horuerunt.

Sileo Vectium Valentem, Xenophontem, & Alcontem sub Claudio Cæsare.

Taceo Neronis principatu cum *Statium Annæum* Senecæ familiarem; tum imprimis ipsius Imperatoris Archiatrum, *Seniorem* scilicet *Andromachum*, nostræ theriaces ex-cogitatorem. *Thessalum* denique transeo, qui cuncta Ma-

D 3 jorum

jorum placita delevit, & monumento suo ΙΑΤΡΟΝΙΚΗΝ
 * se inscripsit; ut ponam in medio *Crinam* illum Massiliensem, qui ex Ephemeride Mathematicâ ægros curando, Thessalum autoritate præcessit.

Nec prætermittendus est *Charmis*, qui ex eadem Massiliâ Civitatem invasit, meruit

* Id est *Medicorum Victorem*; is enim, cùm in aliorum dogmata acerbius invecus esset, atque in omni ævi Medicos rabie quâdam perorasset, lætus sibi plaudebat *Medicos omnes quasi vicisset*; quo certè alto fastu turgidus, sese adeò superbum præbuit, ut *fastosam* illam; sed *mendacem* monumenti sui quod est in Appiâ viâ, inscriptionem ambiverit, ΙΑΤΡΟΝΙΚΗΣ.

ægros.

ægros in lacus , frigidâque
etiam algoribus hybernis la-
vari persuasit.

Demum, ut contraham, *il-*
laudati sed nequaquam *inno-*
minati recedent, *Tryphon, Me-*
ges, Ammonius, Euelpistus, Ar-
chigenes ; Ruffus & Soranus,
uterq; *Ephesii; Crito, Hermoge-*
nes, Andromachus Iunior, Sym-
machus & Hermocrates , quo-
rum alii sub primis Cæsaribus
vixerunt ; alii verò sub Galbâ ;
Othone, Vitellio, Vespasiano,
Tito, Domitiano, Nervâ, Tra-
jano & Adriano sese posteri-
tati commendarunt.

Haud finirem , si Antonini
Imperii memorabilia profer-
rem ; tunc quippe temporis,
Galenus trium deinceps Im-

peratorum Archiatros, tot Romæ mira loquutus est, totque miranda fecit, ut illius æmuli, ceu incantatorem & vatem γοήτα τε καὶ μάγην illum traduxerint.

Silebo itidem, innumeros illos Romæ Galeni æmulos quos passim commemorat. De illis etenim, quæ digna habentur memoriâ, in historiam conferre si vellem, dies me citius deficeret, quàm illos collaudando finem dicendi facerem.

Hic igitur modus esto, ne longiùs excurrat Oratio, aliàs enim foret prolixitate, tædiosa. Nolim ergo ætates ullas infra Galenicam illam, quæ in

decimum

*decimum * ab V. C. seculum incidit, attingere.*

Abundè est enim tot isthæc secula replicasse, quibus præclari Romæ Viri Medicinam fecerunt, nullâ temporis intercapedine mediâ quæ Viris

* Profitetur enim Galenus, se, Romam venisse primùm, ætatis anno 34. At annus ille Galenicus, æræ Christianæ 164 erat, & per consequentiam *initium fuit decimi ab V. C. seculi.*

Æra siquidem Christiana ab Urbis conditæ anno 752, uti vulgò ferunt computatur. Illis autem si addideris annos Christi 164. quibus Galenus Romam primùm se contulit, consequens erit, Galenum Romæ primùm vixisse anno ab V. C. 916. hoc est, *ineunte seculo ab V. C. decimo.*

illis Arte Medicâ illustribus
caruerit.

Falsissimum est ergo *Medi-
cos unquam exulasse Româ ; &
ab omni insuper alienissimum
est veritate , fictitium & chi-
mæricum istud exilium , sex-
centessimum in annum fuisse pro-
latum.*

PARS QUARTA.

Ecce itaque nostros calum-
niatores confutatos atque
pessundatos : sed antequam,
(*absit jactantia dicto.*) trium-
phans recedam , pressius illos
stringam, dum illorum in nos
iniquitatis mysterium revela-
bo, atque sic Medicos ab illâ,
quâ nos injuriâ circumretire
nitun-

nuntuntur, plenius afferam.

Proferam igitur ex Plinio, verborum aucupia & literarum tendiculas, quibus specie veri, incautos & illudere, & illaqueare satagunt, Romanum scilicet Populum, ultra sexcentimum annum sine Medicis degisse. E quibus verbis malignè lectis & dolosè conglutinatis, cum illis aliis, fraudulenter itidem & captiosè expositis, de Medicina damnatâ, per sophisma à conjunctione distrahendorum, illud temerè seu potiùs veteratoriè eliciunt, Medicos fuisse sexcentis annis Româ prohibitos; perperam copulando disjungenda; & malitiosè atque calumniosè isthæc distrahendo &

interpretando ; dum illa in alienissimum à vero sensum, iniquissimè detorquent.

De Medicinâ damnatâ egimus abundanter, atque verbi damnare, hoc in casu, vim omnem & genuinum sensum diximus esse, *culpare* ; haudquaquam autem, *in exilium agere*. Quibus profectò, auctarii vice, sum & hoc additurus, Plinium nullatenus scripsisse, *Medicos Romæ fuisse damnatos*; sed præcise & apertè dixit, *Populus Rom. Medicinam damnavit*, id est, *culpavit* crudeliorem illam Chirurgiam, quæ asperius & immitius sæviebat in fauciatos. Sic certè purioris Latinitatis antiquissimi cultores, & Tullius ipse, eodem sensu dixerunt

xerunt *damnare moras, damnare tempora, damnare Naturam*, id est, improbare, arguere & reprehendere : Nullus enim, quem sciam, eò vesaniæ deductus est, ut *moras*, ut *tempora*, ut *rerum* denique *Naturam ipsam*, è mundo in *exilium* depelli secum reputaverit. Quid igitur, ineruditè & falso nobis obtrudunt Sycophantæ nostri, *Medicinam damnatam, Medicos in exilium* datos importare?

Nec istud alterum magis moror quod ex Plinio eruunt, quo imaginarii illius exilii sexcentos annos colligāt. Plinius quippe nequaquam dicit, *sexcentis annis Româ Medicinam, exulasse*, sed simpliciter & nudè

*dè Romanum Populum , ultra
sexcentefimum annum, sine Me-
dicis degiffe. Quibus fanè Plin-
ianis verbis , argutulus licèt
atque veteratorius vitilitiga-
tor ex adverso mihi staret ;
nunquam tamen mihi proba-
ret idem efficientes effe enun-
ciationes illas , Populum sine
Medicis degere ; & Medicos à
Populo in exilium projici.*

*Quæ fanè Plinii verba cùm
ex fe perfpicua fìnt , atque
apud eruditos cordatosque
Viros * aliter prorsus quàm*

** Sic v. g. apud Cardanum in il-
lius ad Cardinalem Alciatum oratio-
ne , Plinianis multùm affinia hæc
verba legere est, Romani, annis à con-
dita urbe propè sexcentis, à Medicis ABS-
TINVERUNT ; quibus in propatulo
qui-*

quidem est, Cardanum Plinii ductu
 in erroneam illam *de Româ, tot seculis,*
sine Medicis degente, opinionem def-
 cendisse; at nequaquam opinatum
 esse, in *Medicos unquam exilium fuisse*
statutum. Illud quippe Cardanus in
 Medicinæ encomio, Oper. tom. VI.
liberum idem sed cæcum rursus, de Me-
 dicis fert Plinio suffragium; inibi si-
 quidem, hostibus nostris, Populum
 Roman. tot seculis *VITASSE MEDICOS*
 iterum concedit. Quem certè
 ob assensum suum non modò culpan-
 dus venit Cardanus, sed & eo præ-
 fertim nomine notandus est, quòd
 Pliniana verba Medicis haud probro-
 sa, in contumeliam verterit. Tò ete-
 nim Plinii, *sine Medicis degere*, Medi-
 cos minimè dedecorat: At Cardani
 effatum illud, *à Medicis abstinuerunt*;
 uti & alterum istud, *Medicos vitarunt*,
 Medicis ex æquo ignominiosa sunt.
 Isthæc enim utriusque Viri verbo-
 rum pondera, dum non vulgari qua-
 piam

piam sed aurificis staterâ examinâ ,
 haud æquilibra esse protinus compe-
 rio. Plinii quippe dictum nihil insi-
 nuat, quàm Romanos *Medicis caruisse*,
 illos sive noverint & expetiverint ;
 sive nec noverint nec expetiverint,
 idque citra consilium ullum à Popul-
 initum, quo datâ operâ & ex profes-
 so *sine Medicis degere* deliberaverint.
 Verùm, ex Cardanica Plinianorum
 verborum permutatione , cuilibet
 ἀκροβολογῶντι , & utriusque Viri
 propositiones ad veritatem exigenti,
 statim in mentem influit , Romanos
 consilio quodam & velut ex condicto
 à *Medicis sese continuisse*. Quid enim
 quæsumus , istæc Cardanica verba ,
abstinuerunt à Medicis & Medicos vita-
runt, aliud sonant? Insinuât enim, fuis-
 se Romanis vel quoddam propositū,
 quo sese continuerint à Medicis ; vel
 quoddam decretum, quo *MEDICOS*
vitarent. Verbi enim *Abstinere*, uti &
 alterius istius *VITARE*, vis omnis ni-
 hil

hil aliud sibi vult, nec aliò potest detorqueri. Exemplorum quæ hanc meam sententiam confirmant, quæque multiplicia forent, appositione, brevitatis causâ supersedeo. Dixerim unicè, Cardanicum effati m vel eo argumento falsitatis argui, quòd Plinius ipse testetur *Populum Rom. Medicinam avidè expetivisse*. Qui igitur *Popul. Medicinæ fuit avidus*, ille profectò animum suum à Medicis nequaquam cohibuit, & per consequentiam, nec ab ipsis ex animi sui sententiâ **ABSTINUIT**, nec ipsos ullo unquam studio **VITAVIT**. Accedit & hocce Plinianum alterum, Romanos ideo *sine Medicis degisse*, quia Medicorum è Græcis (*quibus unicè Medicinam acceptam refert Plinius*) nullus, Romanis sese obtulerat. At ubi primum Romam profecti sunt, tantum abest ut ullam unquam à Romanis fuerint repulsam passi, ut ediverfo Medici illius qui è Græciâ Romam apud

apud conviciatores nostros
audiant , in illis exponendis
nullus ero ; Verùm, *sed brevi-*
bus duntaxat , ut brevi , huicce
Medicorum causæ finem faciam,
in illius ætatis tam longæ quâ
sine Medicis Roma degit, ge-
nuinas & fonticas causas in-
quiram.

I°. quidem ex dictis hæcte-
nus luculenter patet , me non

primùm venit, *adventum* MIRE GRA-
TVM *fuisse* , consultis verbis ceu per-
honorifico quodam Medicis edicto
Plinius fanciat.

Frustra igitur Cardanus , medium
inter me hostésque meos ferit ; Pli-
nii quidem verba in *Medicorum exi-*
lium , revera *hostiliter* non deflexit ;
sed nec *amicè*, atque ut Virum egregiè
doctum decuisset, interpretatus est.

usque

usquequaque Plinio assentiri,
ultra sexcentesium annum, Me-
dicorum absentiam proroganti;
 Modò quippe evicimus, *ine-*
unte seculo sexto ab V. C. Græcos
Medicos Romam venisse, ac
 proin diffitemur, stricte lo-
 quentes, nec seculum *inchoa-*
tum duntaxat vel etiam affe-
 ctum pro confecto atque
 completo fumentes, *ultra sex-*
centesium annum, sine Medicis
Romanos degisse; tantùm abest
 enim, ut *ultra sexcentesium*
annum, tempus illud protolla-
 tur, ut anni desint *sexaginta*
quinq; ad *sexcentos* complendos.

Deinde, auctoritatibus fi-
 lis est dirimenda, *uti profecto*
dirimenda est, cùm sit *questio*
facti; Plinius etsi Hercules fo-
 rer,

ret, non *staret* contra duos: En igitur illum *causâ cadentem*, nam præter allatum Cassium Heminam, qui Plinii testimonium infringit; en & Dionysius Halicarnasseus, qui luculentam nobis fidem facit, vel *ipso seculo ab V.C. ineunte quarto* * complures Romæ Medicos extitisse; sed qui gravi pestilentia numerosis Civibus afflictis, *impares* fuerint, ad tot illis decumbentibus suppetias

* Anno nimirum CCCI, Λοιμικὴ νόσος εἰς τὴν Ῥώμην κατέσκηψε &c. ἔπε τῇ Γ' ΑΤΡΩΝ δ' ἐκέντων ἐπὶ βοηθεῖν τοῖς καμάτοις &c. Pestilens morbus Romā invasit &c. nec MEDICI s in tantâ ægrotantium multitudine sufficientibus &c. Dion. Halic. l. X.

feren-

ferendas. *Non erant ergo Medici Româ exules, extorrésque. Mitto & sequenti seculo, Catonem antè natum annis quinquaginta octo, * Æsculapium fuisse decem Legatis, Epidau- ro Romam convectum, sta- tímque in Insulâ Tiberinâ Templum atque Flaminem accepisse; id quippe argumen-*

* Cato quippe natus est, Urbis conditæ anno D X X. Quum autem Anno CCCCLXI, immedicabili peste devastaretur Civitas, aditis fatis Sibyllinis, Æsculapium Epidau- ro, decem Legatis, principe legationis Q. Ogulnio Gallo, arcessiverunt, & anno sequenti CCCCLXII Romam illum advexerunt.

Igitur, inter *Catonem natum, & Æsculapium Romam transvectum anni LVIII effluxerunt.*

ti evincit unicè, Populū Romanū *Medicinam* priscis temporibus religiosè coluisse, at invalidum est, *Medicos ut stabi-
liat suam Artem Romæ factitan-
tes*. Istæc igitur missa facio, ut coronidis loco breviter aperiam, cur *seculis propemo-
dum tribus*, * non verò *ultra*

* Dionysius quippe Halicarnasensis, locuples nobis modò fuit testis, plures *Romæ Medicos, vel anno V.C. 301. Medicinam fecisse*. At nullibi recens illos Romam venisse profiteatur; concludere fas est ergo, *Romæ illos, vel seculo tertio degisse.*

Imò rationi penitus consonum est, *Romam ab omni ævo Medicis nequaquam caruisse*: Quamvis enim primitus tales nusquam audierint, quales nunc Nostrates audiunt, sed *Empirici duntaxat Medicastri fuerint, nihilosecius*
Medi-

Medicorum nomine veniebant.

Istoc autem honoris epitheto, illos si modò non dedignemur insignire, qui *Medicinam* licèt non profiteantur, illius tamen ministeria, prout sorte cadit, varia atque varia subeunt, tot profectò primævis ætatibus illis nuncupandi *venient Medici*, quot primitùs erant, qui, vel sibi vel amicis laborantibus *Medico subsidio veniebant*, qualescunque demuin fuerint illi, vel Summates vel Infimates, uti patet exemplo cùm Porcii Catonis, quem *Empirices* satagentem mox positurus sum in medio; tum aliorum promiscuè obviorum, qui *levi Medicinâ, levi morbo medebantur*, atque propterea *Medici à Medendo* vocitabantur.

Quid plura? En exemplum omni exceptione majus, *Androclus* quippe, propter stirpem ingentem, Leonis Afri vestigio pedis hærentem, revulsum, conceptamque saniem vulnere intimo expressam; accuratiùsque sic-
cato

cato penitus atque deterſo cruore,
Medicus Leonis Romæ famigeratus
 eſt : Dum etenim Androclus, Leo-
 nem illum ſibi ſuffragiis Populi do-
 natum, loro tenui revinctum, urbe
 totâ circum tabernas duceret, omnes
 ferè ubique obvii complaudentes di-
 cebant, *hic eſt homo MEDICVS Leonis.*
 Pergam porrò dicere, hanc meam
 ſententiam ratione non duntaxat ſuf-
 ſultam eſſe, ſed & Plinii auctoritate
 ſtatuminatam : Is quippe datâ quaſi
 operâ, eodem loci, ubi nobis adver-
 ſari videtur, præciſè docet *Gentes nul-
 las ſine MEDICINA degere.* Nec er-
 go Populus Rom. ſine MEDICINA,
 atque adeò, nec ſine MEDICIS (*tali-
 bus ſcilicet, quales modò adducebam Em-
 piricos,*) degit. MEDICINAM enim
 haud in *Abstracto*, ſed in *Concreto*, ut
 loquuntur ſcholæ, contemplari eſt.
 At ſi in concreto, ergo homines erant
 qui Medicinam illam qualemcunque,
 è re natâ, & pro captu ſuo, revocarent

*sexcentefimum annum, Romanus
Populus sine Medicis degerit.*

Et 1°. quidem vetustiores illas ætates cuius recolenti obvium fit, longioris fuisse opus temporis usurâ, ut popellus ille rudis recénsq; moenibus conclusus, disciplinas

ad praxim Quod quum sit undique verum, consequens est, ab ipso Urbis conditu, Medicis Romam affluxisse.

Si quis tamen contumax atque refractarius ἰδιωγῶν hancce meam ad sententiam nolit perducere, sed præsumptę opinioni pertinax inherescat, ad triplicem, quam super illâ re rationem innox in contextu suo daturus, ipsum ablegabo, nec dicam ipsi grandem impingam, meliora modò suo pectore excutiat, quibus meam mentem avidam discendi expleat & exfatiet.

amplexaretur. Quam ergo Civitate suâ nondum donaverant Medicinam, illam profecto *Civitate suâ non expulerunt.*

EST & altera perinde ponderosa ratio, is quippe populus nihil fuit primitus, quàm decoctorum, latronum, & erronum *militiæ singulariter addictum* agmen, quod Romulus suo ex luco vicino quem asylum fecit, non tam in *Civitatem* quàm in *Vrbem* coëgerat. Illis igitur seculis, non unica Medicina sed & reliquæ *Disciplinæ Liberales*, Populum inter, belli quidem studiis ferocem; sed in Minervæ castris vecordem, incultę jacuerunt, uti Cicero atque Suetonius

nus, * super eâ re conqueruntur.

* Tullius enim Tuscul. quæst. 1. his verbis Poeticæ sortem queritur.

Seriùs Poeticam nos accepimus : annis enim ferè ccccx post Romam conditam Livius fabulam dedit , C. Claudio, Cæci filio. M. Tuditano, Consulibus, anno ante natum Ennium : qui fuit major natu, quàm Plautus & Nævius. Serè igitur à nostris poetæ, vel cogniti, vel recepti.

Lenta autem ut ita loquar, Philosophiæ fata, ibidem sic luget, Philosophia jacuit usque ad hanc ætatem, nec VLLVM habuit LVMEN Literarum Latinarum &c.

Ita profectò, Grammatices, vel in ipso libri sui de Illustribus Grammaticis limine, vices, hisce querimoniis Tranquillus dolet.

Grammatica olim Romæ, ne in usu quidem, nedum in honore ullo erat ; rudi scilicet ac bellicosâ etiam tum Civitate,

necdum magnopere liberalibus disciplinis vacante

Quam autem, diuturnæ illius Literarum inter Romanos ignorantia, rationem adhibet Tranquillus, illam profectò, hacce genericâ, à Tullii BRUTO mutuâtâ, fulcire lubet, *Nec enim, in constituentibus Remp. NEC IN BELLA GERENTIBVS, nec in impeditis, ac Regum dominatione devinctis, nasci cupiditas discendi solet.*

Quod præterea Tullius, singulariter de Eloquentia ibidem subjungit, id universè de Medicinâ, deque omni Disciplinâ Liberali, jure meritòque dixerim.

Pacis est comes, otiique socia & jam benè constituta Civitatis quasi alumna quadam, Eloquentia.

Nihil igitur de Medicorum honore decederet, illorum Artem, bellatrix Romana gens ferius celsi fuisset amplexata.

Deni-

Denique, cui Vestrum, Auditores Amplissimi, in propatulo non est, vilem illam & asperam hominum sortem, laboribus duram & *Maivorte ferream*; quæque cibo utebatur facili, nec per Artem voluptatémque corrupto; sed qui nisi esurientibus placere non poterat; *sine Medicis minus damnosè degere*, quàm molles & effœminatos, qui umbratilem vitam agunt, & luxu diffluunt; qui Curios simulant & Bacchanalia vivunt; ἀσκησις γὰρ ὕγις, ἀπορρηγοφῆς, ἀοκνή πόνων, Sanitatis quippe studium est, non repleri cibus, & impigrum esse ad laborem.

Ubi igitur, inter illum, bel-

latorem Populum, nondum fuit diætæ tanta inæqualitas, tanta immoderatio, quanta subinde crevit; nec tanta fuit morborum luxuries. At crescente luxu, creverunt & morbi, supplicia luxuriæ.

Immunes erant ab istis malis, qui nondum se deliciis solverant; qui sibi temperabant, sibi ministrabant: Ipsis quippe simplex erat, ex simplici causâ valetudo.

At multos morbos, multa fercula fecerunt. Ex quo scilicet una gula; terrarum marisque vastatrix, varia permiscuit, & mille condituras excogitavit, non ad tollendam sed ad irritandam famem; necesse fuit ut ex illis inter se dissi-

diffidentibus , inconstans variusque morbus exoriretur, uti reapse exortus est.

DUM igitur nequitia nondum surrexerat in tantum, nec tam latè se sparserat, poterant Romanorum *vitiis simplicibus* obstare *remedia simplicia*. At subinde necessum fuit, tantò operosiora essent corporum munimenta, quantò valentiora quibus petebātur.

Quæ igitur Medicina, ab initio paucarum fuit Romanis scientia herbarum, quibus fisteretur sanguis & vulnera coirent, illa certè eorundem luxu, in hanc pervenit tam multiplicem varietatem, quæ ipsos coëgit, artifices illos conquirere longè

peritiores quàm antea, quique corporibus medendis unicè vacarent.

Primitus quippe sibi ipsi Medicinam faciebant, atque amicos insuper morbis conflictatos curabant: uti & posterioribus seculis *Censorius Cato*, *Empiricen* fecit; gloriabatur enim esse commentarium sibi, quo mederetur conjugii, filio, servis & familiaribus. *

* Rectè Plutarchus Thraſoni-
cam illam Catonis gloriam jactan-
tiâinque taxat, καὶ γὰρ περὶ τῆς Φαί-
νεῖ γεροντὸς ὁ Κάτων οὐκ ἀνευέσητος.
Suos etenim usque ad longam senec-
tam minimè perduxit, nam uxorem
& filium amisit, πλὴν γυναῖκα καὶ τῆς
ἡὸν ἀπέβαλεν. Nec mirum! Quis
Ro-

Romanus ergo Populus morbis pressus, Medicam Artem expetivit, & expetitâ ut potiretur, Medicos non dun-

enim, *uno collyrio morbis omnibus mederi potis esset?* Licet igitur pollicitis atque jactatione divitem sese extulerit Cato; *re tamen & effectis vacuus*, acriter notandus jacuit. *Se quidem morbis immunem conservavit; sed id Plutarchus rusticum in illius primigenium corporis robur, potius quam in Artis Medicæ peritiâ ullam, appositè refundit:* Adeo siquidem vivax atque salax extitit Cato, ut Senex licet, Veneri tamen litare nequaquam desierit: gremio etenim suo meretriculam fovit, quæ compressus ergo, fartim ad ipsum itabat. Væ. Indignum facinus tam acerbo morum Censore, ἐχρητο γὰρ παιδικῇ, κρήφα φοιτῶσιν πρὸς αὐτὸν.

taxat

taxat Indigenas enutrivit; sed & Advenas Græcos & Ægyptios admisit; & admissos, tantum abest, *suâ ex societate ut exterminaverit unquam*, ut ecōtrario honorificè semper conservaverit; munificentissimis premiis donaverit; tergeminis honoribus sustulerit; & supremis denique laudibus fuerit profecutus.

EPILOGUS.

ECce igitur longè propulsatam à nobis *jejunam* illam, sed *acerbam calumniam*, in illorum cerebro natam, qui vel *Samiorum* vel *Abydenorum* mores induerunt, & solitâ suâ omnibus detrahendi libidine,
nobis

nobis & hunc *aculeum genui-*
númque dentem infixerunt, sed
 quem exemimus. Nunc quip-
 pe liquet, *falsum esse probrum*,
 quod criminose in nos immit-
 titur, sed quod deinceps *ad*
sapientum aures non perveniet;
Morsum esse aspidis, sed cui
 medelam fecimus; *Hystricis*
esse setam, sed quam ex corpo-
 re nostro extraximus: Uno
 verbo, *Hipponacteum esse de no-*
bis præconium, à Noctis & Ere-
 bi filiâ in nos excogitatum
 jactatúmque, sed quod Stygiis
 aquis uti dignum est unice, ita
 & à nobis, ex hominum men-
 tibus ad Inferos relegatum est.

Habita in Illustrissimo Lugdunensi-Ba-
tavonium Athenæo, Nonis Iuliis 1671.

F I N I S.

taxat Indigenas enutrivit; sed & Advenas Græcos & Ægyptios admisit; & admissos, tantùm abest, *suâ ex societate ut exterminaverit unquam*, ut ecōtrario honorificè semper conservaverit; munificentissimis præmiis donaverit; tergeminis honoribus sustulerit; & supremis denique laudibus fuerit profecutus.

EPILOGUS.

E Cce igitur longè propulsatam à nobis *jejunam* illam, sed *acerbam calumniam*, in illorum cerebro natam, qui vel *Samiorum* vel *Abydenorum* mores induerunt, & solitâ suâ omnibus detrahendi libidine,
nobis

nobis & hunc *aculeum genui-*
númque dentem infixerunt, sed
 quem exemimus. Nunc quip-
 pe liquet, *falsum esse probrum*,
 quod criminose in nos immit-
 titur, sed quod deinceps *ad*
sapientum aures non perveniet;
Morsum esse aspidis, sed cui
 medelam fecimus; *Hystricis*
esse setam, sed quam ex corpo-
 re nostro extraximus: Uno
 verbo, *Hipponacteum esse de no-*
bis præconium, à Noctis & Ere-
 bi filiâ in nos excogitatum
 jactatúmque, sed quod Stygiis
 aquis uti dignum est unice, ita
 & à nobis, ex hominum men-
 tibus ad Inferos relegatum est.

Habita in Illustrissimo Lugdunensi-Ba-
tavorum Athenæo, Nonis Iuliis 1671.

F I N I S.

ERRATA.

- { 13. l. 20. Ne verò,
 { 22. l. 21. præpositum iri;
 { 23. l. 1. *dele* illos.
 { 38. l. 4. Medicorum *est*,
 Lege pag. { 49. l. 16. annis 600, fuisse
 { illis Româ interdictum.
 { 55. l. 12. *Plin.* taliter inter-
 { pretanti,
 { 59. l. ult. *Et r^m.*
 { l. 65. 10. *Opicorum.*